

**«ՍԵՖ ԻՆՏԵՐՆԵՅՇՆ» ՈՒՎԿ ՍՊԸ-Ի ԿՈՂՄԻՑ ՎԱՐԿԵՐԻ ՏՐԱՄԱԴՐՄԱՆ  
ՊԱՅՄԱՆՆԵՐԻ ԲԱՐԵԼԱՎՄԱՆ ՀՆԱՐԱՎՈՐՈՒԹՅՈՒՆՆԵՐԸ**

**ՀԵՐԳՆՅԱՆ ՄԱՐԻԱՄ**

Տնտեսագիտության թեկնածու, դոցենտ  
ԳՊՀ տնտեսագիտական ֆակուլտետի փոխդեկան  
e-mail: m.hergnyan@gsu.am

**ՄՆԵՅԱՆ ՍՅՈՒՋԱՆՆԱ**

ԳՊՀ տնտեսագիտական ֆակուլտետի  
բակալավրիատի «Ֆինանսներ» բաժնի շրջանավարտ  
e-mail: syuzannamneyan5@gmail.com

**Հոդվածը նվիրված է «ՍԵՖ Ինտերնեյշնլ» ՈՒՎԿ ՍՊԸ-ի վարկաբեռնակների  
տրամադրման պայմանների բարելավման ուղիների բացահայտմանը:**

Շուկայական տնտեսության պայմաններում ՀՀ տնտեսությունը չի կարող զարգանալ առանց կայուն, զարգացած ֆինանսական ինստիտուտների՝ մասնավորապես վարկային համակարգի, որի զարգացումն ու կարարելագործումը պահանջում է վերանայել վարկավորման առկա պայմանները: Անշուշտ, ֆինանսական շուկայում առաջնային նախապայման է վարկային կազմակերպությունների կողմից միջոցներ ներգրավելու և դրանց տեղաբաշխումը կարգավորելու խնդիրը, որը պայմանավորված է ակտիվների և պասիվների կառավարման հստակ կանխորոշված ռազմավարությամբ: «ՍԵՖ Ինտերնեյշնլ» ունիվերսալ վարկային կազմակերպություն ՍՊԸ-ն համարվում է ՀՀ ֆինանսական համակարգի դերակատարներից մեկը և իր ուրույն տեղն ունի այդ համակարգում: Հետանցումային տնտեսություն ունեցող երկրներում վարկային համակարգի ձևավորումն ու դրա լիարժեք իրագործումը կապված են մի շարք խնդիրների և սահմանափակումների հետ:

Աշխատանքում ներկայացված են «ՍԵՖ Ինտերնեյշնլ» ՈՒՎԿ ՍՊԸ-ի 2017-2019թթ. ֆինանսական ցուցանիշները, իրականացվել է ՍԵՖ-ի կողմից տրամադրվող վարկերի և փոխարկությունների վերլուծություն՝ ըստ տնտեսության տարբեր ճյուղերի և հաճախորդների, առաջարկվել են վարկերի տրամադրման պայմանների բարելավման ուղիներ:

***Քանալի բառեր՝** վարկային համակարգ, ունիվերսալ վարկային կազմակերպություն, ֆինանսական կայունություն, վարկառու, վարկավոր, երաշխավորությամբ ապահովված վարկեր, վարկերի տրամադրման պայմաններ, վարկային ռիսկ:*

Շուկայական տնտեսության պայմաններում ՀՀ տնտեսության զարգացման համար անհրաժեշտ են զարգացած ֆինանսական ինստիտուտներ, այդ թվում է վարկային համակարգը, որի կատարելագործումը պահանջում է վերանայել վարկավորման պայմանները: Անշուշտ, ֆինանսական շուկայում առաջնային նախապայման է վարկային կազմակերպությունների կողմից միջոցների ներգրավման և տեղաբաշխման հարցերի կարգավորումը՝ պայմանավորված ակտիվների և պասիվների կառավարման հստակ կանխորոշված ռազմավարությամբ: «ՍԵՖ Ինտերնեյշնլ» ունիվերսալ վարկային կազմակերպություն ՍՊԸ-ն, որպես ՀՀ ֆինանսական համակարգի դերակատարներից մեկը, իր ուրույն տեղն ունի այդ համակարգում: Հետանցումային տնտեսությամբ երկրներում, վարկային համակարգի ձևավորման հետ կապված, կան մի շարք խնդիրներ և սահմանափակումներ, որոնց գործարկմամբ են պայմանավորված անցման շրջանի առանձնահատկությունները: ՀՀ տնտեսությունը չի կարող գործնականում զարգանալ առանց կայուն վարկային համակարգի, հետևաբար պահանջվում է վերանայել վարկավորման գործող պայմանները:

«ՍԵՖ Ինտերնեյշնլ» ունիվերսալ վարկային կազմակերպություն ՍՊԸ-ն (ՍԵՖ) հիմնադրվել է 1997թ. «Վորլդ Վիժն» միջազգային քրիստոնեական բարեգործական կազմակերպության կողմից և միակ սեփականատերն է: ՍԵՖ-ը սոցիալապես պատասխանատու կազմակերպություն է, որի մշակած գործառնական թիրախները նպատակաուղղված են լուծելու սոցիալական խնդիրներ, ապահովելու ֆինանսական կայունություն և նվազեցնելու ռիսկերը: ՍԵՖ-ում վարկերը տրամադրվում են ընկերության կողմից մեկ փոխառուի և վարկառուի համար նախատեսված սահմանաչափի շրջանակներում, ընդ որում՝ մեկ փոխառու են համարվում միևնույն բնակության վայրում հաշվառված վարկառուները, նրանց հետ փոխկապակցված անձինք: «ՍԵՖ Ինտերնեյշնլ» ՈւՎԿ ՍՊԸ-ում միայն երաշխավորությամբ ապահովված վարկերի համար մեկ փոխառուի գծով կիրառվում են վարկավորման թույլատրելի առավելագույն հետևյալ սահմանաչափերը.

- ❖ Ընկերության մարզային (Երևանում չտեղակայված) ստորաբաժանումների համար՝ առավելագույնը հինգ վարկ, բայց ոչ ավել, քան գումարային 8 հազար ԱՄՆ դոլար կամ համարժեք ՀՀ դրամ վարկի գումարի չափով,

- ❖ Ընկերության՝ Երևանում տեղակայված ստորաբաժանումների համար՝ ոչ ավել, քան 12 հազար ԱՄՆ դոլար կամ համարժեք ՀՀ դրամ վարկի գումարի չափով,

- ❖ Այն հայտերը, որոնց դեպքում մեկ փոխառուի գծով վարկավորման ընդհանուր գումարը (ընթացիկ վարկային մնացորդը + հայտով պահանջվող գումարը)

գերազանցում է 4 մլն ՀՀ դրամը կամ համարժեք արտաբերություն, անկախ գումարի չափից, պետք է հաստատվեն վարկային կենտրոնական հանձնաժողովի կողմից:

❖ Ընկերության բոլոր ստորաբաժանումների համար միայն երաշխավորությամբ ապահովված վարկերի դեպքում, միևնույն վարկատեսակի շրջանակներում վարկառուին և կամ փոխկապակցված անձին հաջորդ վարկը հնարավոր է տրամադրել միայն նախորդ վարկի տրամադրումից 40 օրացուցային օր հետո<sup>1</sup>:

«ՍԵՖ Ինտերնեյշնլ» ՈւՎԿ ՍՊԸ-ն առաջարկում է հետևյալ վարկատեսակները՝

➤ **բիզնես վարկեր** կարող են ստանալ նրանք, ովքեր զբաղվում են փոքր և միջին ձեռնարկատիրությամբ և ունեն շրջանառու միջոցների ու կապիտալ ներդրումներ կատարելու կարիք,

➤ **գյուղատնտեսական վարկեր** տրամադրվում են նախատեսված փոքր և միջին գյուղացիական տնտեսությունների գործունեությունն ընդլայնելու նպատակով,

➤ **սպառողական վարկեր** տրամադրվում են այն ֆիզիկական անձանց, ովքեր սպառողական գնումների իրականացման ֆինանսավորման և ընտանեկան կարիքների համար ունեն ազատ միջոցների անհրաժեշտություն,

➤ **վերանորոգման վարկերը** բնակարանի վերանորոգման, վերակառուցման, կենցաղային պայմանների բարելավման նպատակով տրամադրվող վարկերն են:

Ընկերության կողմից տրամադրվող վարկային ծառայությունները հարստացվել են մի շարք նոր վարկային «պրոդուկտներով» և դրանց ենթատեսակներով, սահմանվել են որոշակի արտոնություններ, որոնք հնարավորություն են ընձեռնում հաճախորդներին՝ հաճախակի օգտվելու բանկի վարկային ծառայություններից՝ անուղղակիորեն խթանելով տնտեսության իրական հատվածի զարգացմանը:

ՍԵՖ-ի 2017-2019թթ. ֆինանսական ցուցանիշները ներկայացված են աղյուսակ 1.1-ում:

Աղյուսակ 1.1


**«ՍԵՖ Ինտերնեյշնլ» ՈՒՎԿ ՍՊԸ-ի ֆինանսական  
ցուցանիշները 2017-2019 թթ.**

Հիմնական ֆինանսական ցուցանիշներ	Տարիներ			Փոփոխություն (2017-2018)		Փոփոխություն (2019- 2018)	
	2017	2018	2019	հազ.դրամ	%	հազ.դրամ	%
Ա.	1	2	3	4	5	6	7
Ակտիվներ	13,583,718	13,463,911	15,371,778	119,807	(0.88)	1,907,867	14.2
Այդ թվում՝ տրված վարկեր	10,942,282	11,087,784	12,830,545	145,502	1.3	1,742,761	15.7
Պարտավոր ություններ	11,257,172	11,074,559	13,060,958	(182,613)	(1.6)	1,986,399	17.9

<sup>1</sup> «ՍԵՖ Ինտերնեյշնլ» ՈւՎԿ ՍՊԸ կանոնադրություն:

Սեփական կապիտալ	2,326,546	2,389,352	2,310,820	62,806	2.7	(78,532)	(3.3)
Այդ թվում՝ կանոնադրական կապիտալ	1,371,156	1,371,156	1,371,156	-	-	-	-
Տարվա շահույթ	324,908	276,772	150,434	(48,136)	(14.8)	(126,338)	(45.6)
Տոկոսային եկամուտներ	3,224,260	3,023,048	3,094,606	(201,212)	(6.2)	71,558	2.4
Տոկոսային ծախսեր	(1,179,661)	(1,154,269)	(1,300,284)	25,392	2.2	(146,015)	(12.6)

ՍԵՖ-ի կողմից տրամադրված վարկերի ու փոխառվածությունների 2017-2019 թթ. վերլուծությունն ըստ տնտեսության ճյուղերի ներկայացված է գծապատկեր 1-ում:




**Գծապատկեր 1**

**«ՍԵՖ Ինտերնեյշնլ» ՈՒՎԿ ՍՊԸ-ի կողմից 2017-2019թթ. տրամադրված վարկերը և փոխառվածություններն ըստ տնտեսության տարբեր ճյուղերի (հազ. դրամ)<sup>1</sup>**

Հետազոտությունները վկայում են, որ ըստ տրամադրված վարկերի մեծ ծավալի՝ աճ է գրանցվել հիմնականում տնտեսության այլ ճյուղերում: 2017թ. Համեմատությամբ 2018թ.-ին վարկերի քանակն աճել է 9.1%-ով, իսկ 2018թ. համեմատությամբ 2019թ.-ին՝ 25.4%-ով: Թեև գյուղատնտեսության ճյուղը մնացած ճյուղերի համեմատ ունի բավականին բարձր ցուցանիշներ, սակայն 2017-2019թթ. այդ ցուցանիշները նվազել են 4.1%-ով: Տնտեսության մնացած ճյուղերում նույնպես աճ է գրանցվել:

Ներկայացնենք ՍԵՖ-ի կողմից 2017-2019թթ. տրամադրված վարկերի և փոխառվածությունների վերլուծությունն ըստ հաճախորդների թվի (գծապատկեր 2):

<sup>1</sup>«ՍԵՖ Ինտերնեյշնլ» ՈՒՎԿ ՍՊԸ 2017-2019 թթ. ֆինանսական հաշվետվություններին կից ծանոթագրություններ:




**Գծապատկեր 2**

**«ԱԵՖ Ինտերնեյշնլ» ՈՒՎԿ ՍՊԸ-ի կողմից 2017-2019թթ. տրամադրված վարկերի և փոխատվությունների վերաբերյալ ըստ հաճախորդների թվի (հազ. դրամ)<sup>1</sup>**

2017թ. իրավաբանական անձանց (փոքր ընկերություններ և անհատ ձեռներեցներ) տրված վարկերը և փոխատվությունները կազմել են 1,365,793 մլն դրամ: Այս ցուցանիշը 2018թ.-ին 2017թ.-ի համեմատությամբ աճել է 9.8%-ով, իսկ 2019թ.-ին նախորդ տարվա համեմատությամբ աճել է 18.3%-ով:

2017-2019թթ.-ին կազմակերպության կողմից ֆիզիկական անձանց տրամադրված վարկերի վերաբերյալ տվյալները ներկայացված են գծապատկեր 3-ում:



**Գծապատկեր 3**

**«ԱԵՖ Ինտերնեյշնլ» ՈՒՎԿ ՍՊԸ-ի կողմից Ֆիզիկական անձանց տրամադրված վարկեր (հազ. դրամ)<sup>2</sup>**

<sup>1</sup>«ԱԵՖ Ինտերնեյշնլ» ՈՒՎԿ ՍՊԸ 2017-2019 թթ. ֆինանսական հաշվետվություններին կից ծանոթագրություններ:

<sup>2</sup>«ԱԵՖ Ինտերնեյշնլ» ՈՒՎԿ ՍՊԸ 2017-2019թթ. ֆինանսական հաշվետվություններին կից ծանոթագրություններ:

Վերլուծությունները վկայում են, որ 2018թ.-ին 2017թ.-ի համեմատությամբ **գյուղատնտեսական վարկերը** նվազել են 8.3%-ով, սակայն 2017թ.-ին նախորդ տարվա համեմատությամբ աճել են 4.5%-ով: Նշենք, որ զգալի աճ է գրանցվել **այլ սպառողական վարկերի գծով**, ընդ որում՝ 2018թ.-ին նախորդ տարվա համեմատությամբ այն աճել է 46.7%-ով, իսկ 2019թ.-ին 2018թ.-ի համեմատությամբ՝ 19.2%-ով: Աճ է նկատվում նաև կազմակերպության կողմից տրամադրվող **բիզնես վարկերի** մասով. 2017-2019թթ.-ին բիզնես վարկերի թիվն աճել է 62.2%-ով:

2019թ.-ին 2018թ.-ի համեմատությամբ աճել է նաև **սպառողական ապրանքների ձեռքբերման** նպատակով տրամադրվող վարկերի թիվը: 2018թ.-ին նախորդ տարվա համեմատությամբ վարկերը նվազել են 35.6%-ով, սակայն 2019թ.-ին գրանցվել է 17.9%-ով աճ: 2017-2019 թթ.-ին գրանցվել է նաև **վերանորոգման վարկերի** թվի 22.2% աճ:

Հարկ է նշել, որ վերջին տարիներին բանկերի, վարկային կազմակերպությունների միջև մրցակցությունը ստիպել է վերանայել տրամադրվող ծառայությունների «տեսականին» և որակը, արժեթղթերի կառավարման գործընթացը, երաշխիքների տրամադրումը և այլն: Վերջին տասնամյակներում փոխվել են նաև ֆինանսական հաստատությունների կառուցվածքը և կառավարման սկզբունքները: Ներկայումս հաճախորդները հակված են տեխնոլոգիական փոփոխությունների ներառմամբ, լավագույն սպասարկմամբ, բարեհաճ վերաբերմունքով ուղեկցվող հարաբերությունների, իսկ տեխնոլոգիական առաջընթացը կարող է օգնել հարաբերությունների բարենպաստ միջավայրի ստեղծմանը:

ՍԵՖ-ի կողմից տրամադրվում են տարաբնույթ վարկատեսակներ, և վերջին շրջանում բարելավվել են դրանց տրամադրման պայմանները, սակայն անհրաժեշտություն է առաջանում միջոցներ ձեռնարկել նաև վարկերի մարման ժամկետների երկարաձգման ուղղությամբ: Հատկապես խոշոր վարկերի դեպքում, ունենալով մատչելի տոկոսադրույք, սակայն մարման կարճ ժամկետ, հաճախորդները նախընտրում են օգտվել այն բանկերի ծառայություններից, որոնք առաջարկում են բարձր տոկոսադրույք, բայց մարման երկար ժամկետայնություն:

Կարևորվում է նաև երիտասարդներին բնակարան տրամադրելու հիփոթեքային վարկատեսակի ավելացումը: Նշենք, որ ներկայումս գործում է «Երիտասարդ ընտանիքին մատչելի բնակարան» ծրագիր, որի նպատակն է՝ պետական աջակցություն ցուցաբերել բնակարանային պայմանների բարելավման կարիք ունեցող երիտասարդ ընտանիքներին:

Հաշվի առնելով առանց կանխավճարի հիփոթեքային վարկերի նկատմամբ բնակչության մեծ պահանջարկը՝ Կազմակերպությունը կարող է ավելացնել այս վարկատեսակը՝ հնարավորինս նվազեցնելով վճարվող կանխավճարի չափը: Կազմա-



կերպությունը կարող է հայտարարել նաև հատուկ ակցիա, որի շրջանակում կարելի է ձեռք բերել բնակարաններ: Բնակչության պահանջմունքների ուսումնասիրության նպատակով ՍԵՖ-ի կողմից պարբերաբար իրականացվում են շուկայի հետազոտություններ, որոնց արդյունքում բանկում մշակվում են համապատասխան գործիքներ: Նշենք, որ առանց կանխավճարի տրամադրումը հիփոթեքային վարկերն առավել մատչելի է դարձնում բնակչության այն զանգվածի համար, որն ունի կայուն եկամուտ, սակայն բավարար խնայողություններ չունի բնակարան ձեռք բերելիս կանխավճար կատարելու համար:

Փաստենք, որ կազմակերպության կողմից տրամադրվող սպառողական վարկերը տրվում են երաշխավորությամբ, ոսկու, անշարժ, շարժական գույքի գրավով: Սակայն հաշվի առնելով սպառողական վարկի նկատմամբ բնակչության ունեցած մեծ պահանջարկը՝ անհրաժեշտ է, որ այս վարկատեսակը տրամադրվի վճարվելիք տոկոսները և մայր գումարը վարկի մարման ժամկետի վերջում վճարելու պայմանով: Վերոնշյալ պայմաններից բացի, ցանկալի է, որ վարկի տրամադրման բավարար պայման լինի միայն անձնագրի և սոցիալական քարտի առկայությունը, մինչդեռ այն տրամադրվում է միայն «հավատարիմ» հաճախորդներին և կրում է ժամանակավոր բնույթ:

Հարկ է նշել, որ ի տարբերություն բանկերի՝ վարկային կազմակերպությունների համար ստեղծվում են անհավասար պայմաններ, և ոլորտում առկա են մի շարք խնդիրներ, որոնք պահանջում են նոր լուծումներ: Այս առումով անհրաժեշտ է վարկային կազմակերպությունների ու բանկերի համար ստեղծել հավասար պայմաններ:

Այսպիսով՝ «ՍԵՖ Ինտերնեյշնլ» ՈւՎԿ ՍՊԸ-ում, դիտարկելով կազմակերպության կողմից կատարվող ինվեստիցիաների հետ կապված ռիսկերը, կարևորվում է վարկային ռիսկի ճիշտ կառավարումը, քանի որ վարկավորումն ակտիվների պորտֆելի ձևավորման գործում ունի առաջատար դեր, և այն առկա է բանկի, վարկային կազմակերպության տնօրինած հաշվեկշռային բոլոր ակտիվներով և արտահաշվեկշռային միջոցներով կատարվող գործառնություններում: ՍԵՖ-ն իր վարկային ռազմավարությունը մշակելիս պետք է ուշադրություն դարձնի դրամական միջոցների ներգրավման խնդրին, քանի որ ներգրավված միջոցների արդյունավետ օգտագործումը կազմակերպությանը կապահովի մեծ չափով տոկոսային եկամուտով:

## **Օգտագործված գրականություն**

### **I. ՆՈՐՄԱՏԻՎ ԻՐԱՎԱԿԱՆ ԱԿՏԵՐ**

1. «ՍԵՖ ինտերնեյշնլ» ՈւՎԿ ՍՊԸ կանոնադրություն:
2. «ՍԵՖ ինտերնեյշնլ» ՈւՎԿ ՍՊԸ 2017 թվականի ֆինանսական հաշվետվություններին կից ծանոթագրություններ:
3. «ՍԵՖ ինտերնեյշնլ» ՈւՎԿ ՍՊԸ 2018 թվականի ֆինանսական հաշվետվություններին կից ծանոթագրություններ:
4. «ՍԵՖ ինտերնեյշնլ» ՈւՎԿ ՍՊԸ 2019 թվականի ֆինանսական հաշվետվություններին կից ծանոթագրություններ:

### **II. ՄԱՍՆԱԳԻՏԱԿԱՆ ԳՐԱԿԱՆՈՒԹՅՈՒՆ**

1. Բադանյան Լ. Հ., «Ֆինանսներ, դրամաշրջանառություն և վարկ», Երևան, 2010:
2. Ասատրյան Բ., «Բանկային գործ», ուսումնական ձեռնարկ, Երևան, 2004:

### **III. ՀԱՄԱՑԱՆՑԱՅԻՆ ԿԱՅՔԵՐ**

1. <http://sefmicro.org> - «ՍԵՖ ինտերնեյշնլ» ՈւՎԿ ՍՊԸ պաշտոնական կայքէջ:



## OPPORTUNITIES FOR IMPROVING CREDIT CONDITIONS BY "SEF INTERNATIONAL UCO" LLC

**HERGNYAN MARIAM**

*Candidate of Economics, Associate Professor,  
Vice Dean of the Faculty of Economics, GSU*

**MNEYAN SYUZANNA**

*Graduate of Faculty of Economics,  
Department of Finance, GSU*

The article is dedicated to identifying ways to improve the terms of loans provided by "SEF International UCO" LLC.

In a market economy, the Armenian economy cannot develop without stable, well-developed financial institutions, particularly the credit system, the development and improvement of which require a review of existing lending conditions.

Definitely, the primary precondition in the financial market is the issue of attracting funds by credit organizations to regulate their placement, which is conditioned by a clearly predetermined strategy of asset-liability management.

"SEF International Universal Credit Organization" LLC is considered one of the players in the financial system of the Republic of Armenia, it has a special place in that system. The development of the credit system and its full implementation in countries with transition economies is associated with a number of problems and limitations. The Armenian economy cannot develop without a stable credit system, so it is necessary to review and improve the terms of loans.

The paper presents the financial indicators of "SEF International UCO" LLC for 2017-2019, analyzed the loans provided by SEF according to customers from different sectors of the economy, suggested ways to improve the terms of loans.

**Keywords:** *credit system, universal credit organization, financial stability, borrower, lender, guaranteed loans, loan terms, credit risk.*

## ВОЗМОЖНОСТИ УЛУЧШЕНИЯ УСЛОВИЙ КРЕДИТОВАНИЯ, ПРЕДОСТАВЛЯЕМЫХ ООО "СЕФ ИНТЕРНЕЙШНЛ УКО"

**ЕРГНЯН МАРИАМ**

*Кандидат экономических наук, доцент,  
Замдекана экономического факультета ГГУ*

**МНЕЯН СЮЗАННА**

*Выпускница отделения "Финансы" экономического факультета ГГУ*

Статья посвящена выявлению путей улучшения условий предоставления кредитов ООО “Сеф Интернейшнл УКО”.

В условиях рыночной экономики, экономика РА не может развиваться без стабильных, развитых финансовых институтов, в частности, кредитной системы, развитие и совершенствование которой требуют пересмотра существующих условий кредитования. Безусловно, первоочередным предусловием на финансовом рынке является проблема привлечения средств кредитными организациями и регулирование их распределения, что обусловлено четко определенной стратегией управления активами и пассивами. ООО “Сеф Интернейшнл универсальная кредитная организация” считается одним из ролевых в финансовой системе Республики Армении и занимает свое особое место в этой системе. Формирование и полноценная реализация кредитной системы в странах с переходной экономикой связаны с рядом проблем и ограничений. Экономика Армении не может развиваться без стабильной кредитной системы, поэтому необходимо пересмотреть и улучшить условия кредитования:

В работе представлены финансовые показатели ООО “Сеф Интернейшнл УКО” за 2017-2019 годы, проведен анализ кредитов и займов, по разным отраслям экономики и клиентам, предоставляемых “Сеф Интернейшнл”, предложены пути улучшения условий кредитования.

**Ключевые слова:** *кредитная система, универсальная кредитная организация, финансовая стабильность, кредитор, заемщик,, кредиты под поручительство, условия кредитования, кредитный риск.*

Հոդվածը ներկայացվել է խմբագրական խորհուրդ 27.08.2020թ.:

Հոդվածը գրախոսվել է 14.10.2020թ.: